

Cussagl da cumün

Protocol nr. 9 da ls sezzüda dals 16 gün 2009

Landolt Robert, annex

Il Cussagl conceda a sar Robert Landolt il permiss per fabricar ün annex vi da sia chasa 11 D in Pradatsch (parcella nr. 284). Il permiss es valabel be schi nun aintran ingünas protestas cunter la publicaziun chi scrouda als 17 gün. L'ingrondimaint nu surpassa ils 10 % dal spazi abitabel, tant chi nun es d'inscriver l'abitaziun principala i'l cudesch fundiari.

Repars da lavinas Plütschessa, paraids da vent

Las paraids da vent in Plütschessa han da gnir rimplazzadas. Quista lavur vain surdatta a l'impraisa da fabrica Foffa & Conrad SA da Zernez per l'import da fr. 38'920.85.

“Tuots per tuots 2009”

Pel di da “tuots per tuots” dals 11 lügl esa previs da far uorden cul lainom e culla fiera-mainta tanter ils repars da lavinas in Plütschessa. Ils duos vdellers Joannes Peer ed Andri Vonlanthen preparan il gianzar. Il Cussagl approvescha il program e spere-scha sün üna gronda partecipaziun.

Suost per gera, paraid

Il Cussagl decida da surdar la lavur da serrürier per las portas dal suost a sar Thomas Lampert da Guarda per l'import da fr. 13'878.--. La lavur da lain vain fatta dals lavuraints da cumün. Id es amo da sclerir che savas chi dessan gnir dovradas.

Via da Prui

Las Pendicularas nu sun perinclettas culla decisiun dal Cussagl dals 2 gün 2009. Tenor quella vessan ellas da pajar fr. 20'000.-- sco taxa per l'adöver e da's partecipar cun 60 % vi dals cuosts dal mantegnimaint. In üna discussiun tanter ils respunsabels s'haja pudü abinar a la seguinta proposta:

Via da Prui

Il don cha las Pendicularas han chaschunà da prümavaira (fr. 18'700.--) es gnü indemnisà e nun es part a quista cunvegna. Las Pendicularas as partecipeschan vi dals cuosts dal mantegnimaint da la via a partir da prümavaira fin la fin da las lavuors fabrica da quist on e quai cun 60 %.

Via da Davovaina (Nalains - Furmiers)

Las Pendicularas han da surtour be cuosts per dons chi vegnan chaschunats in connex cul fabricat.

Il Cussagl fa bun la proposta e decida da desister sülla taxa d'adöver (tonnascha) tenor il uorden cumünal.

il capo: sig. Reto Pedotti

l'actuar: sig. Andri Florineth